

**Uunga siunnersuut: Qamutit motorillit akileraarutaat pillugit Inatsisartut inatsisaata allangortinneqarneranik Inatsisartut inatsisaat nr. xx, xx. xxx 2019-imeersoq**

(Qamutinuut motorilinnut taamaallaat innaallagissamik brintimilluunniit ingerlatilinnut plug-in hybridbiilinullu akitsuut, qamutinuut motorilinnut nunakkoorutinuut mikinerlut akitsuuteqartitsinnginneq kiisalu akiliinissamut piffissaliussamik allannguneq)

**§ 1**

Qamutit motorillit akileraarutaat pillugit Inatsisartut inatsisaanni nr. 3, 16. juni 1987-imeersumi, ilaatigut Inatsisartut inatsisaatigut nr. 7, 11. november 2004-meersukkut, Inatsisartut inatsisaatigut nr. 10, 3. december 2012-imeersukkut, kingullermillu Inatsisartut inatsisaatigut nr. 8, 29. november 2013-imeersukkut allangortinneqartumi makku allannguutigittinneqarput:

**1. § 1, imm. 2, ima oqaasertalerneqassaaq:**

”Imm. 2. Akitsuuserneqartussaannngitsut makkuupput:

- 1) qamutit motorillit qatserutit annaassiniutillu kiisalu qamutit motorillit ikiuiartorasuaatit politiillu biilii,
- 2) napparsimmaveqarfiup napparsimasunik angallassissutai,
- 3) qamutit motorillit nunat allamiut aallartitaqarfiinit imaluunniit konsuleqarfiinit imaluunniit aallartitaqarfinni sulisunit qallunaatut innuttaassuseqanngitsunit pigineqartut, aamma
- 4) qamutit motorillit, savaateqarnermik, nersussuaateqarnermik tuttuuteqarnermilluunniit inuussutissarsiornermut assigisaannullu sulinerlut atatillugu pigineqartut atorneqartullu, savaateqarneq, nersussuaateqarneq tuttuuteqarnerluunniit pingaarnertut inuussutissarsiutigineqarpat.”

**2. § 2, imm. 1, ima oqaasertalerneqassaaq:**

” Akileraarutit ukiumut angissuseqarput:

- 1) Qamutit motorillit 1.000 kg tikillugu oqimaassusillit: kr. 6554. Qamutilli motorillit, taamaallaat innaallagissamik brintimilluunniit ingerlatillit, taakku taamaallaat 50 %-iinik.
- 2) Qamutit motorillit 1.001 kg-mit 1.200 kg-mut oqimaassusillit: kr. 10.049. Qamutilli motorillit, taamaallaat innaallagissamik brintimilluunniit ingerlatillit, taakku taamaallaat 50 %-iinik.
- 3) Qamutit motorillit 1.201 kg-mit 1.500 kg-mut oqimaassusillit: kr. 10.747. Qamutilli motorillit, taamaallaat innaallagissamik brintimilluunniit ingerlatillit, taakku taamaallaat 50 %-iinik.
- 4) Qamutit motorillit 1.501 kg-mit 1.800 kg-mut: kr. 15.231. Qamutilli motorillit, taamaallaat innaallagissamik brintimilluunniit ingerlatillit, taakku taamaallaat 50 %-iinik.

- 5) Qamutit mootorillit 1.801 kg-mit oqimaassusillit: kr. 17.575. Qamutilli mootorillit, taamaallaat innaallagissamik brintimilluunniit ingerlatillit, taakku taamaallaat 50 %-iinik.
- 6) Motorcykelit: kr. 3.540.
- 7) qamutit mootorillit nunakkoortit mikinerit sisamanik amerlanernilluunniit assakaasullit: kr. 0,00.
- 8) Snescooterit: kr. 0,00.

**3. § 2, imm. 2, ima oqaasertalerneqassaaq:**

”Imm. 2. Akileraarutit ukioq affakkaarlugu siumut akilernerqartartussat 1. april aamma 1. oktober akiligassanngortassapput, piffissaagallartillugu akiliiffissaq tassaalluni 30. april aammalu 31. oktober. Piffissaagallartillugu akiliiffissaq arfininngorneruppat, sapaatiuppat nalliuttuuppalluunniit akiliiffissaq ulluinnarmut tullermut kinguartinneqassaaq.”

**4. § 2, imm. 4, ima oqaasertalerneqassaaq:**

” Imm. 4. Akitsuutinut akiligassat Kalaallit Nunaanni eqqartuussisarneq pillugu inatsimmi kap. 47 akileraarutitut akitsuutinullu akiligassat pinngitsaaliilluni akiliisitsinermit malittarisassat naaportorlugit pinngitsaaliissummik akilersinneqarsinnaapput.”

**5. Inatsisartut inatsisaata danskisuuani tamarmi ”Landsstyret” ima allanngortinneqassaaq:**  
”Naalakkersuisut”.

## § 2

Inatsisartut inatsisaat ulloq 1. januar 2020 atuutilissaaq, aammalu siullerpaamik atuutissalluni piffissamut akileraarfiusumut 1. april 2020-imiit 30. september 2020-imut tunngatillugu akileraarutissamut ullormi 1. april 2020-imi akiligassanngortussamut.

*Imm. 2.* Plug-in hybridbiilit piffissami akileraarfiusumi 1. april 2020-imi akileraarutit Inatsisartut inatsisaanni § 2, imm. 1-imi nr. 1-5-imi taaneqartut taamaallaat 50 %-iinik akiliissapput, 1. april 2025-ip akileraarummik tamakkiisumik akiliisalernissap tungaanut ukiumut 10 procentpointinik qaffakkiartuaartinneqartunik.

*Namminersorlutik Oqartussat, ulloq xx. xxx 2019*

Kim Kielsen